

• 王雲五主編 •

南村輟耕錄

不著撰人

臺灣商務印書館印行



不著撰人

南村輟耕錄

臺灣商務印書館發行

復刊人人文庫序

人人文庫自民國五十五年始刊，迄六十二年終刊成者計達一千五百餘種。中分單號雙號及特號三種。單號每冊八元，雙號十二元，特號二十元。其種數之多，定價之廉，冠於全國。及六十二年秋後，紙張價格奇漲，且不易得，其他工料莫不稱是。人人文庫原以廉價爲主，隨成本而增價，殊違本旨，不得已於六十三年元月始暫停新書之印行，卽原已出版各書亦以售罄爲止，暫不重版。今歲三四月以來紙價工價雖平均較前增長百分之一百五十，然已漸趨穩定，籌謀再四，決從五月起，仍予復刊，每月新刊暫定爲十種，其原出各書，銷數較廣者，仍予重版，以應讀者需求。書價姑定爲單號每冊十二元，雙號十八元，特號三十元，所增雖僅百分之五十，而以視工料之增長百分之一百五十者，雖稍虧損在所不惜。

復刊以後，選材益加審慎，範圍亦日廣，除與英國之人人文庫比擬，且後來居上。關於新知識之介紹仍略仿英國家庭大學叢書。又復刊新書之編著悉與原刊蟬聯

，設印刷工料不再增長，則由原刊之千五百餘種，不難與時並進，遞增至數千種，乃至萬種，使青年學子得以廉價盡讀有用之書，此則所殷望也。

又除單號雙號每種仍維持一冊外，特號因多載名著，爲存其真，必要時得分訂爲二冊以上，如十九世紀歐洲思想史卽其一例也。

中華民國六十三年五月一日王雲五識

歷代小史卷之七十三

南村輟耕錄

至元十一年甲戌宋之咸淳十年也秋七月世祖命中書右丞相伯顏總制大軍取宋諭之曰朕聞曹彬不嗜殺人一舉而定江南汝體朕心法彬事毋使吾赤子橫罹鋒刃伯顏叩首奉命惟謹既而混一職方豈非不嗜殺人之驗與明年乙亥春諸郡望風降賊丞相伯顏遣員外郎石天麟詣闕奏聞世皇喜顧謂侍臣曰朕兵已到江南宋君臣必知恐懼茲若遣使議和邀索歲幣想無不從遂敕伯顏按兵乃命禮部尚書廉希賢侍郎嚴忠範計議官朱德秀祕書丞柴紫芝等齎奉國書使宋次建康希賢等偕兵衛送伯顏

曰方今兩軍當阨互有設險宜令行人先往道意若便擁兵前進
吾恐別生罅隙則和議之事必難成矣希賢等堅請乃日閱銳卒
伍百畀之至獨松關戍關者宋浙西安撫司叅議官張濡也以爲
此兵叩關乎衆掩擊殺忠範執希賢希賢亦病創死世皇聞之
大怒趣進攻嗟夫宋之亡也非有桀紂之惡特以始之以拘留使
者肇夫兵之興終之以誤殺使者激世皇之怒耳藉使獨松之使
不死宋存亡未可知

明年正月甲申丞相伯顏駐軍卑亭山宋奉表及國璽以降遣千戶
囊加萬等入城慰諭令居民門首各貼好投拜三字及聞益王賡
王如婺州即命分兵守屯諸門范文虎安營浙江沙澣太皇太后
望祝曰海若有靈當使波濤大作一洗而空之潮汐三日不至軍

馬晏然文虎呂文煥壻安慶守臣來降者

宋興始於後周恭帝顯德七年恭帝方八歲及其亡也少帝德祐元年少帝時四歲名顯而顯德二字竟與得國時合周以主幼而失國宋亦以主幼而失國周有太后在上宋亦有太后在上

萬歲山在大內西北太液池之陽金人名瓊花島中統三年脩繕之其山背以玲瓏石疊疊峰巒隱映松檜隆鬱秀若天成引金水河至其後轉機運轉汲水至山頂出石龍口注方池伏流至仁智殿後有石刻蟠龍昂首噴水仰出然後東西流入於液池山上有廣寒殿七間仁智殿則在山半爲屋三間山前白玉石橋長二百尺直儀天殿後殿在太液池中之圓坻上十一楹正對萬歲山山之東爲靈囿奇獸珍禽在焉車駕歲巡上都先宴百官于此浙省叅

政恭德爾嘗云向任留守司都事時聞故老言國家起朔漠日塞上有一山形勢雄偉金人望氣者謂此山有王氣莽我之利金人謀欲厭勝之計無所出時國已多事乃求通好入貢既而曰它無所冀願得某山以鎮壓我土耳衆皆笑而許之金人乃大發卒鑿拙輦運至幽州城北積累成山因開挑海子栽植花木營構宮殿以爲游幸之所未幾金亡世皇徙都之至元四年興築宮城山適在禁中遂賜今名云留守司在宮城西南角樓之南專掌宮禁工役者

世皇取江南大軍次黃河苦乏舟楫夜夢一老叟曰陛下欲渡河當隨我來引至一所指曰此即是也帝遂以物標識之及覺歷歷可記明日循行河許尋夢中所見處果是方驕顧聞忽有人進曰此

間水淺可渡特帝徵夢中語因謂曰汝能先涉否其人乃行大軍
自後從之無一不濟帝欲重旌其功對曰富與貴悉非所願但得
自在足矣遂封爲答剌罕與五品印撥三百戶以食之今其子孫
尚有存者此事楊元誠太史瑀所云

世皇下江南檄賈似道無君之罪宋國臣民不誠服者其文曰宅中
圖大天開一統之期自北而南雷動六師之衆先謂吊民而伐罪
蓋將用夏而變夷欲制江浙以削平極汝海隅而混一堪嗟此宋
信任非人處之師相之尊委以國柄之重世濟其惡真兇悖之賈
充謀及廼心效姦雄之曹操不學無識舞術弄權誇許黃僅免其
身比河清莫大之績承君之寵如彼之專貪天之功確乎不救惜
官爵以總實貨苛條法以苦賢才奪土田而無地可耕變開會而

物價騰湧籍鄙猥者伴食於廟堂任反側者失兵於邊徼恬視雷
星之召異罔聞水火之降災滿朝皆其私人用將因其重賂用白
剖而破世守之法曲丹筆而容天討之刑民心已離而不知天命
將革而未悟方且貪胡山之樂聚寶玉之珍弗顧母死奪制以貪
榮乃乘君寵立幼而固位以已峻功碩德而自北於周公欺人寡
婦孤兒反不如石勒深懷禍慝恣肆姦邪今正兩覲之誅可紆百
姓之怒我大元皇帝聰明智睿神武慈仁焚香祝天誓莫殺而混
海宇振兵畧地隨所向而宣皇威一戰乘勝而渡江諸將列降而
獻土厥角稽首迎我前矛後實先聲易如破竹昭天順人信之助
成風行草偃之功合宇宙以清寧蘇人民而鎮撫恩寬幼主以下
罪亡无惡之身自今檄到應守令以境土投拜除大吏槁賞外仍

其官職謹擢

太元受天命肇造區夏列聖相承至于世皇帝元初尚未遑興建宮闕凡遇推賀則臣庶皆集帳前無有尊卑貴賤之辨執法官厭其喧雜揮扶擊逐去而復來者數次翰林承旨王文忠公磐時兼太常卿慮將貽笑外國奏請立朝儀遂如其言

皇慶癸丑冬十一月詔曰某以皇慶三年八月天下郡縣興其賢者能者充賦有司明年二月會試京師中選者朕將親策焉按遺山元公好問所撰廉訪使楊文憲公奐墓碑云太宗即位之十年戊戌開舉選特詔宜德課稅使劉公用之試諸道進士公試東平西平賦論第一奏授河南路徵收課稅所長官兼廉訪使則國朝科舉之設已肇於此竊七十餘年而普願篤皇帝克不墜祖宗之

令典尊號曰仁不亦宜乎初焉試論賦蓋又宋金餘習後則一以經學爲本

汲郡王公王堂嘉話云宋末下時江南謠云江南若破百鴈來過當時莫喻其意及宋亡蓋知指丞相伯顏也

太宗時諸國來朝者多以冒禁應死耶律文正王楚材進奏曰願無汙白道子從之蓋國俗尚白以白爲吉故也

大德七年詔内外官年及七十並聽致仕時郭守敬字若思順德邢臺人知太史院事以舊臣且熟朝廷所施爲獨不許其請至今翰林太史司天官不致仕者咸自公始

答刺罕譯言一國之長得自由之意非勲戚不與焉太祖龍飛日朝廷草創官制簡古惟左右萬戶次及千戶而已丞相順德忠獻王

哈剌哈孫之曾祖啓昔禮以英材見遇擢任千戶錫號答剌罕至元壬申世祖錄勲臣後拜王宿衛官襲號答剌罕己丑秋八月太宗即皇帝位耶律文正王時為中書令定冊立儀禮皇族尊長皆令就班列拜尊長之有拜禮蓋自此始

內八府宰相八員視二品秩而不降授宣命特中書照會之任而已寄位於翰林之埽鄰埽鄰宮門外院官會集處也所職視草制若詔赦之文則非其掌也至於院之公事亦不得與焉例以國戚與勲貴之子弟充之

國朝有四怯薛本官怯者分宿衛供奉之士為四番番三晝夜凡上之起居飲食諸服御之政令怯薛之長皆撏焉中有云都赤乃侍衛之至親近者雖官隨朝諸司亦三日一次輪流入直負骨朶於

有佩環刀於腰或二人四人多至八人時若上御控鶴則在宮車

之前上御殿廷則在墀

陛

下蓋所以虞姦回也雖宰輔日覲清光

願有所奏云都赤在固不敢進今中書移咨各有或有須備錄奏

文事者內必有云郁赤某等以此之故余又寃骨朶字義嘗記宋

景文筆記云關中人以腹大為胍朶

上音孤下音都

俗因謂枹頭大者亦

曰胍朶後乳為骨朶朶

平声

國朝鎮殿將軍募選身體長大異常者充凡有所請給名曰大漢衣

糧年過五十方許出官

貴由赤者快行是也每歲一試之名曰放走以脚力便捷者膺上賞

故監臨之官齊其名數而約之以繩使無後先參差之爭然後去

繩放行在大都則自河西務起程若上都則自泥河兒起程越三

時走一百八十里直抵御前俯伏呼萬歲先至者賜銀一併餘則段疋有差

昔實赤膺房之執役者每歲以所養海青獲頭鵝者賞黃金一錠頭鵝天鵝也以首得之又重過三十餘斤且以進御膳故曰頭

至元六年二月二十五日上御王德殿命史臣榻前草詔黜謫太師伯顏詔文有云其各所部詔書到日悉還本衛上曰自蚤至莫皆一日也可改日字作時字時伯顏以飛放爲名挾持皇太子在柳林意將犯分詔既成遣中書平章只理瓦歹賫至彼處開讀奉皇太子歸國而各枝軍馬即時散去蓋一字之中利害懸焉直聰明作元后於此見之

文定王沙剌班今上之師也爲學士時嘗在上左右一日體少倦遂

於便殿之側偃卧因而就寐上以藉坐方褥國語所謂朶兒別真者親扶其首而枕之後嘗患癰額上上於合鉢中取拂手膏躬與貼之上之隆師重道可謂至矣盡矣玉宇敬臣號山齋畏吾人

累朝皇帝先受佛戒九次方正大寶而近侍陪位者必九人或七人譯語謂之煖荅世此國俗然也今上之初人或言詩九馬哈刺佛前有物為供因問學士沙刺班曰此何物曰羊心上曰曾聞用人心肝者有諸曰嘗聞之而未嘗目睹請問刺馬刺馬者帝師也上遂命沙刺班傳旨問之荅曰有之凡人萌反心害人者事覺則以其心肝作供耳以此言復奏上復命問曰此羊曾害人乎帝師無答

國朝日進御膳例用五羊上自即位以來日減一羊以歲計之為數

多太府少監阿魯人奏取黃金三兩為御韉刺花用上曰不可因請易以銀金鍍金者上曰亦不可金銀首飾也今民所用何物對曰用銅上曰可

今上皇太子之正位東宮也設諭德置端本堂以處太子講讀忽一日帝師來啓太子母后曰向者太子學佛法頗覺開悟今迺使習孔之教恐損太子真性后曰我雖居於深宮不知道德嘗聞自古及今治天下者須用孔子之道捨此它求即為異端佛法雖好乃餘事耳不可以治天下安可使太子不讀書帝師赧服而退

皇太子方在端本堂讀書近侍之嘗以飛放從者輒臂鷹至廊廡間喧呼馳逐以惑亂之將勾引出游為樂太子授業畢徐令左右諭之曰此讀書之所先生長者在前汝輩安敢褻狎如此急引去毋